

KABOMWI IBUKIN KATEIMATOAN TE MARURUNG

TE IBUOBUOKI IBUKIA TAAN MWAKURI MAN ABAN TE BETEBEKE IAON AOTITERIA



BAIKA KO NA RIAI N ATAI IBUKIN BUOKAM N TE AORAKI

- ✓ **Teuana kabaeam n am visa e bon riai ni iai te mwane ae tauraoi ni kaitarai am kabanemwane ibukin kateimatoan marurungim.**

Inanon am tai ni mwakuri iaon Aotiteria ao ko kabaeaki iaan taekan am Visa n te karinan ae International Relations (Temporrary Work) Subclass 403, Condition 8501 bwa e riai ni iai te mwane ni kabomwi ibukin kateimatoan marurungim. Bon tabem bwa ko na taraia bwa e na aki bane tain am kabomwi aio inanon tikum ni mwakuri iaon Aotiteria. Ngkana ko katoka te kabomwi aio ibukin marurungim ko na ataia bwa ko a bon urua iai tuan am visa. Ibukin buokam bwa ko na aki urua tuan am visa ao e na tatauaki man am bwakabwai te mwaiti ae e riai bwa kamaiuan te kabomwi ibukin kateimatoan marurungim.

- ✓ **Kawakin kainibaire iroum n taai nako.**

Ko riai ni kawakina iroum katootoon am beebwa ni kakoaua ibukin te kabomwi (COI) ma/ke am card are e kaotia bwa ko kaaina te kabomwi anne bwa mwina ko kainnanao ae ko na kawara te taokita.

- ✓ **Te ibuobuoki ibukin te kabomwi**

Tuoa am card ibukin te kabomwi ao beebwa ni kaongora ake ko anganaki ni moan rokom i Aotieria ibukin arom n reitaki nakon are e na buokiko ibukin karaoan am kabomwi ibukin kateimatoan marurungim (nambwan ana tareboon, website ke email address). E na ibuobuoki aio ngkana ko kainnanao buokam n oota n te kainibaire ibukin te kabomwi ngkana ko rotaki n te aoraki. Taraia naba bwa ko na rabakau arom ni kotea te kainibaire ke te nambwa are ko riai ni kairia ma am bubuti ibukin te kabomwi ngkana ko reitaki ibukin buokam.

- ✓ **Anga rongorongom aika koaua ibukim n te tai aei.**

Ko riai ni kakoaua ma te kambwana ni kabomwi bwa rongorongom inanonni baiia a bane ni koaua ibukim n te tai anne. E na kona naba ni kainnanaoaki nambwan am mobile ma am tabo ni maeka ao nambwan am baoki n te post office bwa n angiin te tai akea rongorongon aikai n te tai are e biriakinaki iai kaboan te kabomwi ibukin kateimatoan marurungim.



- ✓ **Tuoa taum ke riain bwa ko na kabomwi**

E na kona te kambwana ni kabomwi n tangiri katootoon tamneim ma rongorongom n am passport ao visa ibukin kakoauana bwa ko na riai ni kabomwi ke ko aki.

- ✓ **Kabwakamwane ibukin te Kabomwi**

Maroro ma am Tia Kammwakuri kaotako bwa e na kanga aron biriakinan bwakamwane ibukin am kabomwi, n reitaki ma mwaitira ae e na tatauaki man am bwakabwai.

- ✓ **Taokita ke Oo n aoraki**

Bon iai te kaokoro i marenaia taokita ma Oo n aoraki iaon Aotiteria.

Ibukia aika tiaki kaain te aba, nakom nakon te Oo n aoraki e na kona ni karekea te kabanemwane ae korakora ibukin karaoan aorakim aika a aki kakaiaiki.

E ngae ngke e na bon kaboaki aio irouia kambwana ni kabomwi, ko na riai ni kabwaka boon tuoam ma buokam n te tai naba arei ao ko a tibwa kona ni karekea boon mwin am kabanemwane imwina.

Kawara te Taokita ibukin aoraki aika a aki kakaiaiki.

Kawara te Oo n aoraki ti bukin aoraki aika a kakaiaiki.



KAREKEAN KABOMWI IBUKIN TE AORAKI

E na bon tannako aron biriakinan te kabomwi ma te kambwana ni kabomwi teuana ma teuana. Te taibora ane i nano bon buokam bwa tera kawaina ma e na rangi ni ibuobuoki naba are ko bon kakoauai raoi baika a tangiraki iroun te kambwana ni kabomwi teuana ma teuana n aia website n te intanete.

BIRIAKINAN AM BUBUTI

KARINA AM BOOMA NI BUBUTI

1. Kakoaua bwa tera raoi kawain karokoan am bubuti iroun te kambwana ni kabomwi iaon aia iteraniba iaon te intanete(n reitaki ma karinan bubuti iaon te intanete, kaotinkoa- rawea tamneina-email ke rinanon te App).
2. Kabwanina kanoan am booma ni bubuti.
3. A riari n airi kakoauaan am bwakamwane/te rititi ma am booma ni bubuti ngkana ko karinna. E na riari n oti te mwaiti ae e kabwakaki, bongin namakaina are e kabwakaki iai ao rongorongon te Oo n aoraki ke te taokita are e buokiko n aorakim.

KAARI NABA BEEBWA NI KAKOAU MAN TE OO N AORAKI KE MAIROUN TE TAOKITA.

Ibukin kakawaran te Taokita

- Te invoice ae e katerei kanoana teuana ma teuana ao n airi ma MBS
- Te ribooti are e oti iai mwin te tutuo ngkana e tauraoi

IBUKIN KAKAWARAN TE OO N AORAKI

- Kakoauaan rinim ma otinakom man te Oo ao ribooti iaon aorakim ngkana a tauraoi
- Invoice aika a kaoti iterani kabanemwane nako

MWIN RINANOAN BUBUTI

E BUTIMWAEAKI

E na reke nakoim te kabomwi ao ni kabwakaki n te tieke ke bon nakon am akaunti n te bangke.

E AKI BUTIMWAEAKI

Ngkana e ritinanikun ana kainibaire te kambwana ni kabomwi am bubuti ao ko na kaongoaki aei n te SMS, ke te email ke bon te reta man te kambwana ni kabomwi.

RONGORONGO RIKI AIKA A KAINNANOAKI

Ngkana e a tia ni aki rangi n eti raoi kanoan te booma ni bubuti ke n aki tabwanin raoi beebwa ni kakoaua ke n aki tau rongorongon man te Oo n aoraki ke te taokita ao e na manga reitaki nakoim te kambwana ni kabomwi n te SMS ibukin aei. Taiaoka kakoaua bwa a tabwanin am rongorongon iaon am booma ni bubuti n reitaki ma beebwa ni kakoaua ni kabane ake ko na kaairi ma am booma ngkana ko karina am bubuti.

RONGORONGO RIKI TABEUA AIKA A IBUOBUOKI

Taan bwainaoraki aika a kanakoi boon aia tiweti nakoia kambwana ni kabomwi

Tabeman taokita ma taan rabakau n itera aika a kaokoro, n aroia pathologists ma tan kataratara a bon bae n tia n rin ibuakoia taan anga te ibuobuoki ake e reitaki ma ngaiia te kambwana ni kabomwi. Aio are e angania te kona ni waekoa ni karokoa rongorongon boon aia tiweti nakoim nakon te kambwana ni kabomwi ao a aikoa tiatiniko iai boona ae bwanin. Tao ko na bon tangiraki bwa ko na kabwaka te kakoro n te tai arei nakoia ma ko aikoa kainnanaoaki bwa ko na manga karina am booma ni bubuti ibukin te itera anne. Ongora iroun am kambwana ni kabomwi bwa e a tia n rin aran am taokita ibuakoia taan anga te ibuobuoki n ana reitaki am kambwana ni kabomwi ke e tuai ao ngkana e tuai, butia am kambwana anne bwa e na karinna.

Ibukia taan anga te ibuobuoki ake aki rin n te waaki anne ma am kambwana ni kabomwi, ko na riari ni kabwaka ni kabane boon buokam irouia te taokita ke taan buokiko akanne ao ko a karina am booma ni bubuti ibukin karekean te kabomwi man am kambwana ni kabomwi rimwi.

Beebwan Kabwarabwaraan te Kabomwi

Beebwan Kabwarabwaraan te Kabomwi e anga rongorongon iaon kanoan am kabomwi, baika a na reke mai iai, baika aki reke, tera kanoana ma babaire iai. Kakoaua bwa tera raoi tein Beebwan Kabwarabwaraan te Kabomwi iroun am kambwana ni kabomwi ao reitaki ma ngaiia ibukin am titiraki ngkana iai iaon aia kainibaire.



IAI RIKI AM TITIRAKI?

Ngkana ko kainnanao buokam n oota iaon te kabomwi ibukin kateimatoan marungim ao taiaoka reitaki ma am Tia Kammwakuri, ke tareboonia te nambwa ae maiu 24 te aoa iaon 1800 51 51 31 ke nakon te iteraniba n te intanete ae www.privatehealth.gov.au/health_insurance/overseas



AORAKI AIKA KARINA MAN KAKAIAKI

Ngkana e reke iroun te aoraki ae e kakaiaki, karekea buokam man te Oo n aoraki ae te kabanea ni kaan ma ngkoe ke tarebooniia te amburanti iaon ☎ 000 ibukin buokam ae tawe.

Ni kabane Oo n aoraki iaon Aotiteria a bane ni iai mwaangaia aika a uki 24 te aoa ike ko na kona ni karekea buokam i tinanikun aia aoa ni mwakuri taokita, ao n reitaki ma n te Kanimbong nakon te Tabati.



Ibukin buokam n aoraki aika kakaiaki-→ Oo n aoraki(ibukin aoraki aika a kakaiaki) ke tareboonia te amburanti iaon 000



Ibukin aoraki aika aki kakaiaki-→ Taokita